

I doman de drìo (in triestin)



Veci, veci,

Se fa presto a dir veci,  
 cossa sà i altri  
 del nostro vissudo?  
 De rifa o de rafa,  
 fin qua semo rivai  
 e col piè ancora nela stafa  
 cavalchemo el tempo,  
 anca se più pian...  
 nissun pol dir  
 coss'che farà doman,  
 ma noi altri, almeno,  
 un pochi de doman  
 li gavemo zà de drìo,

che i altri speti, prima de ciacular!  
 No xe fazile diventar veci,  
 veder passar la vita soto i oci  
 e no poderla mai fermar,  
 per godersela, un pochetin de più,  
 se fussi come un nastro, o un dvd,  
 ogni tanto gaverìa stopado  
 e fussi tornado indrìo,  
 ma nel nastro dela vita  
 xe solo un verso, l'avanti,  
 e quel che xe sta, xe perso,  
 salvo che nel cuor,  
 nela memoria, in ela sola  
 e dove no existi

nissuna moviola,  
propio nela memoria  
finché la ne sostien,  
zercando comunque senpre  
de esser pronti  
per quel che ancora vien.  
Veci i ne disi,  
ma zovini semo stai!  
Speravimo, ma no savevimo,  
findove fussimo rivai,  
e cussì el tempo gà fato el suo,  
l'importante xe no restar fregai  
e pel resto chi sà mai?

### **Se l'articolo ti è piaciuto condividilo su:**

- [Condividi su Facebook \(Si apre in una nuova finestra\) Facebook](#)
- [Condividi su X \(Si apre in una nuova finestra\) X](#)
- [Condividi su Pinterest \(Si apre in una nuova finestra\) Pinterest](#)
- [Condividi su LinkedIn \(Si apre in una nuova finestra\) LinkedIn](#)
- [Invia un link a un amico via e-mail \(Si apre in una nuova finestra\) E-mail](#)
- [Stampa \(Si apre in una nuova finestra\) Stampa](#)
- [Condividi su WhatsApp \(Si apre in una nuova finestra\) WhatsApp](#)
- [Condividi su Telegram \(Si apre in una nuova finestra\) Telegram](#)